

BOSNA I HERCEGOVINA
*Agencija za razvoj visokog
obrazovanja i osiguranje
kvaliteta/kvalitete*
Banja Luka



БОСНА И ХЕРЦЕГОВИНА
*Агенција за развој високог
образовања и обезбјеђивање
квалитета*
Бања Лука

Agency for Development of Higher Education and Quality Assurance

Saopštenje sa 7. sjednice Upravnog odbora Agencije za razvoj visokog obrazovanja i osiguranje kvaliteta

održane 08.02.2010.godine u Banjaluci

Sedma sjednica Upravnog odbora Agencije za razvoj visokog obrazovanja i osiguranje kvaliteta održana je 08.februara 2010. godine u Banjaluci.

Na sjednici kojom je predsjedavao predsjednik Upravnog odbora prof.dr Mišo Kulić data je saglasnost na Rješenje o imenovanju članova Komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa. Direktor Agencije prof.dr Nihad Fejzić informisao je članove Upravnog odbora da je u skladu sa Odlukom o kriterijima za izbor domaćih i međunarodnih stručnjaka raspisan Javni konkurs koji je okončan nakon mjesec dana. Druga obaveza je, formiranje Komisije, rekao je Fejzić i naglasio da je Agencija, kako je to i predviđeno Odlukom, uputila dopise nadležnim institucijama da prosljede imena svojih predstavnika za članove ove Komisije. Na osnovu pristiglih nominacija, Upravni odbor dao je saglasnost da za članove Komisije budu imenovani:

prof.dr Miroslav Bobrek, Ministarstvo prosvjete i kulture RS
mr. Mara Matkić, Odjeljenje za obrazovanje u Vladi Brčko Distrikta BiH
mr. Ismet Botonjić, Unsko-sanski kanton
prof.dr Vlado Majstorović, Rektorska konferencija BiH
mr. Benjamin Muhamedbegović, Agencija

Na osnovu člana 49. Okvirnog zakona o visokom obrazovanju u Bosni i Hercegovini, Komisija će utvrditi listu stručnjaka koju Agencija dostavlja svim ministarstvima obrazovanja u Bosni i Hercegovini i nadležnom odjeljenju u Vladi Brčko Distrikta na usvajanje. S usvojene liste stručnjaka, na osnovu prijedloga nadležnih ministarstava obrazovanja, Agencija će imenovati konkretne komisije.

Upravni odbor usvojio je Izvještaj o radu Agencije za razvoj visokog obrazovanja i osiguranje kvaliteta za 2009.godinu.